

Dafydd Elis-Thomas AC
Cadeirydd
Y Pwyllgor Amgylchedd a Chynaliadwyedd
Cynulliad Cenedlaethol Cymru
Bae Caerdydd
CF99 1NA

5 Chwefror 2014

Amyl Dafydd

Yn ei gyfarfod ar 28 Ionawr, trafododd y Pwyllgor Busnes effeithiolrwydd pwyllgorau wrth wneud gwaith craffu ar y gyllideb.

Yn benodol, ystyriodd y Rheolwyr Busnes bryderon a fynegwyd yn ystod y broses gyllideb ddiweddaraf am y diffyg cydberthynas rhwng portffolios y Gweinidogion a phortffolios y pwyllgorau, a bod hynny'n golygu nad oes gwaith craffu'n digwydd ar rai meysydd polisi gan unrhyw bwllgor.

Roedd un enghraifft yn ymwneud â'r Gymraeg. Y Pwyllgor Cymunedau, Cydraddoldeb a Llywodraeth Leol sy'n bennaf cyfrifol am faes polisi'r Gymraeg. Er mai'r Gweinidog Addysg a Sgiliau sydd â'r gyllideb ar gyfer y maes, y Gweinidog sy'n gyfrifol am y maes yw'r Prif Weinidog.

Roedd pryder arall fod yr amserlennu o ran y gyllideb yn golygu bod y llythyrau a anfonir gan bwllgorau at y Gweinidog Cyllid neu'r Pwyllgor Cyllid yn dod i law'n rhy hwyr i lywio gwaith craffu'r Pwyllgor Cyllid ar y Gweinidog Cyllid.

Felly, penderfynodd y Pwyllgor Busnes edrych ar y broses er mwyn sicrhau bod y gwaith craffu mor effeithiol â phosibl yn y dyfodol. Rwy'n ysgrifennu atoch i geisio eich barn am unrhyw faterion sy'n deillio o broses y gyllideb eleni ac am unrhyw sylwadau sydd gan eich Aelodau am sut y byddai modd gwella'r broses yn y dyfodol. Byddwn yn ddiolchgar pe gallech ymateb erbyn dydd Gwener 21 Chwefror.

Rosemary

**Y Fonesig Rosemary Butler AC, y Llywydd
Cadeirydd y Pwyllgor Busnes**

Croesewir gohebiaeth yn y Gymraeg a'r Saesneg/We welcome correspondence in both English and Welsh